

國
朝
詞
綜
補

國朝詞綜補卷四十六

無錫丁紹儀杏舫輯

周學濬

二首

邊浴禮

七首

王柏心

八首

胡連耀

一首

劉熙載

一首

黃之晉

一首

應寶時

八首

徐一鶚

四首

譚瑩

二首

陳慶藩

五首

王憲成

三首

潘遵祈

二首

李聯琇

二首

何棻

二首

何兆瀛

九首

徐本立

八首

秦綉業 三首

周學濬

字縵雲烏程人道光二十四年進士官侍讀學士

踏莎行

題張嘯峰藕花香裏填詞圖

蕉葉窗紗荷花池館

用白石句

玉鈎簾外湖雲軟水沈薰透

碧羅衣露華潤到紅絲硯

彩筆輕拈洞簫低按更番

譜出清商怨一陂烟月隔吳淞相思寄與南飛雁

高陽臺

茗中同人重修明湖州司理馮楨卿故姬明霞墓賦詞徵和用高東井韻

夢亦爲雲魂猶墮淚斷腸桃葉江船一樹棠梨殯宮寒

食年年來剝盡殘碑字甚前塵宿愛深憐最潸然宰

木頽陽蔓草荒煙

鳧燈不照重泉夜但樵歌野徑漁

笛晴川環珮歸來傷心金粟堆邊芳尊爲酌詞人酒護

香泥好傍鴛鴦眠對紋簾尾展青鸞泣憶紅鵑吳茵次太守會陸鴛

鴛於墓側司理風篠石刻至今尙有藏者夜夜臨風泣杜鵑明霞降亂句也

邊裕禮

字袖石任邱人道光二十四年進士官河南布政司有空青詞

玉漏遲

秋拆

高城涼月滿樓笳罷奏寺鐘停轉擊戢何人繁響十分
悲惋秋冷銅街似水認隔巷一燈紅顛風遞遠喚醒倦
客驚噪寒犬 可是警夜森嚴有虎旅傳來柳營桃館
曙色關門何限旅愁鄉怨莫誤耶當鈴鐸總一樣長途
聽慣歸夢短蝦蟇六更敲斷

翠樓吟 秋蟬

翠柳霞明青蕪雨過夕陽黯澹收盡一絲疏欲斷早勾
起離亭新恨商飈潛引想綃翼嘶殘瓊綫啼損林逾靜
暗中催動漢宮秋信 孤影自顧翛然念居高聲遠賞
音誰認露華能幾許恁抱得枯枝偏緊冷冷清韻倩玉
軫冰絃譜成幽迴霜飛冷仙蟲社散漸凋塵鬢

霓裳中序第一 歌席卽事

銅荷蠟淚滴照見新詞題畫壁錦字珍珠密織記酒瀉
翠尊花颭瑤席蘭蕤蕙質蕩冶情無數箏笛都忘卻茸
裘繡鐵歲暮遠爲客 幽抑俊游重憶共繫馬朱樓綺

陌芳韶轉眼過隙訊渺湘紅夢斷楚碧豔歌閒趁拍牘
怨粉淒金凝積暗惆悵一眉霜月兩地伴岑寂

三姝媚

詠綺雲樓印印爲錢氏姬柳如是故物

青琅玕一寸是曾經焚餘劫灰殘燼鐵線銀鈎記綠縑
千軸木泥香沁紅豆花前自什襲團窠鴛錦鏤雪鐫雲
押倩蘼蕪玉織脂暈零露南朝金粉歎縹帙烟飛畫
樓難問柳老章臺甚連環珠篆不隨同殉著手摩挲漫
振觸滄桑幽恨配取河東妝鏡清光未墜

玲瓏四犯

竹簾

庭院深深訝一桁涼波當戶懸起織恨穿愁巧樣天然

丁字楚夢遠隔黃陵恁湘女淚痕猶漬倚雕闌欲捲還
慵香在博山爐裏碧闌干影空於水裊蝦鬚月尖風
碎玳釘銀押都依舊只覺心情不是甚日重看梳頭鈎
徧眞珠十二聽曲瓊搖漾聲陡觸鸞釵墜

瑣窗寒

紗窗

水墨鑄紅網絲綴碧紋紗新補篩煙罩月隔斷纖塵來
路背朱櫺嫩涼襲衣柔颺減盡些兒暑愛柳腰花放看
時微暈一層香霧深護銷魂處記歛息偷窺凭肩私
語驚鳥啼徹曙色催人歸去賸金荷無燄剔殘暗蟲亂
撲渾似雨料瓊闈妝罷沈吟同此相思苦

綺羅香 羅帳

蕙葉銷金蓮花感繡斗帳偏宜長夏八尺宮羅貼壁冷
光新砑延月白霧縠搖空映燈紅水紋低瀉控流蘇煙
縷垂垂文螭銜角玉鈎掛 桃笙斜展睡覺最愛枕函
茉莉暗香霏麝分付柔颺不許吹開微罅帳久隔幽夢
行雲盼重訴合歡情話記當日暖撒芙蓉男錢相對灑

王柏心

字子壽監利人道光二十四年進士官刑部主事

疎影 秋桐

心孤感易看撲簷一葉金颺來矣細乳濃春送過韶華
早又煙凋露悴繁枝漸看涼陰減恰漏出惺忪月子放

金波潑入閒庭漾作銀河淺水 今夜美人羅袖玉闌
干靠徧冷清清地雨也無情霜也無情生把湘雲翦碎
蕭蕭聽在銀牀撲又攬入轆轤聲裏沒心情恰向瑤窗
題盡行行怨字

雨淋鈴

秋雨

砌成嗚咽雁兒訴了蛩又來說黃昏浙瀝將住西風不
肯便教休歇今夜酒樓笙院裏也覺淒切何況是繫纜
江湖聽打蕭蕭葦花折 雲屏情事經年別料箇人鉛
淚傾難竭夢兒早是澆碎禁不得滿階騷屑怕惹涼聲
擬把窗前繁篠刪絕又無奈身似梧桐心似芭蕉葉

雙雙燕 歸燕

閒梁間燕纔占得雙棲怎催歸興尋常薄暮乃自捲簾
獨等此後斜陽巷冷都忘了塵生藻井枉拋昔日辛勤
掠盡紅梨花影 似解呢喃訴恨說六代春銷金殘粉
褪高樓翡翠不是自家門徑合返三山絕頂逐海國鯤
鵬幻境明年錦片花繁重報天南芳信

桂枝香

蟹

爬沙何憊尙戴戟橫戈韓彭壯士落日漁莊正集鰓頭
艇子不須密網千絲製縛寒蒲落潮風裏驚飛宿雁星
星葦火暗沈紅穗 趁橙橘登盤俊味惹當筵親擘玉

國朝詩林卷四十一
五
纖紅膩欲笑無腸怎貯一腔秋思江湖倘逐歸帆利慰
清饒內黃草制酒船百斛老饕左手一生足矣

齊天樂

絡緯

蟲娘豈有秋燈課終宵爲誰恤緯紫豆花閒銀茄畦畔
消受晚涼如水金籠貯爾惹喚作閨中青衣小婢軋軋
催來明河漸帶玉繩墜秦川當窗有女思量秋信早
衣尙未寄九月寒砧十年戌甲剛待相尋夢裏惱伊呼
起又明月流黃穿來簾底淚滿迴文無心挑錦字

高陽臺

秋雲

風捲如羅天低似墨芙蓉峰勢都平薄暝催寒商量不

定陰晴空濛暗
泣蘆花渚怕黃昏
吹雨冥冥
暮遙帆一線斜陽
閃得偏明
空山木落
嶙峋露
怡擁來絮帽替
補空青錦字愁遮
高樓何限遙情
無端隴首飛揚
疾惹征人清淚
頻傾盪窮陰
落日回風臺上呼鷹

拜星月慢

蛩曳哀機雁題恨
字剛是繡絨拋罷
翠被涼生又慵薰
蘭麝屏山側徐步
珊珊羅襪轉過幾
折風廊月榭悄立
悄悄放水晶簾下
一年年羞見天孫
嫁鉛波溢溫透
鮫綃帕擔負醒枕
烏啼與紋窗螢夜
便長門能買歡娛
價總空買紅粉傷
心話算能有幾許
芳時早桂花開謝

滿江紅 蘆花

密絮濛濛也不辨江南江北其中有傷心窮士呼之欲
出素手絃翻商婦老青衫酒醒才人泣正滿船搖月復
捎風江心白 捲岸也寒潮立齧根也鳴沙急怕銜枝
雁下灘昏雨黑十幅歸帆憐我滯一簪華髮如伊逼讓
老漁秋雪灑蓑衣橫吹笛

胡連耀

字佛生如皋人道光二十四年進士官

知府

簇水

題芙蓉畫册

寂寞秋江冷紅一片波心颭采菱人去蕩漾得霜痕零
亂欲寄相思何處衰草汀洲短愁渺渺水與天遠 畫

橋畔倚翠袖西冷薄醉尙記得聞簫管香寒露靜悄不
覺流光換待把一竿歸去垂釣斜陽岸尋西子結箇煙
波伴

劉熙載

字融齋江蘇興化人道光二十四年進士官編修

唐多令

題齊玉溪學裘還山圖

載酒徧江湖頭銜署釣徒快遨遊不爲飢驅底事欲攜
仙眷屬尋舊隱賦歸歎天地本蘧廬田園況未蕪且
陶然客裏琴書飽看吳山情亦得便歸去待何如

黃之晉

字少鐵丹徒人道光二十四年進士官知縣

洞仙歌

十一月四日寓存心寺作

前年今日記桃根槩打避姊和郎手同把自採蓮人去
孤棹空歸經苦海幾度風波堪怕 去年今日裏藥裏
繩牀病骨支離小窗下暮恨又今年今日重逢卻聽雨
聽風僧舍儘情緒昏昏怕思量知來歲今朝更何處也

應寶時

字敏齋永康人道光二十四年舉人官江蘇按察使

少年游

徐豐農西湖泛月圖

一丸冷月一枝柔艣蕩漾碧天空茶夢初醒琴心乍逗
搖過藕花叢 江山一覽無今古美景惜怱怱秉燭情
懷扣舫風調都在畫圖中

浣溪紗

初試春衫倚畫闌
流光百五未應殘
小樓高處杏花寒
玉立雙雙鬢影側
珠穿乙乙笛聲圓
人生消受此情難

卜算子

獲嘉感舊

芳草接平沙
都是來時路
日落城頭噪晚鴉
愁入離亭樹
昨日惱春來
今日憐春去
何苦春風去不回
吹滿天涯絮

虞美人

畫簾窄地鑪煙細
剗襪行瑤砌
月光寒浸水晶屏
祇覺一庭香霧不分明
別來漸漸腰支瘦
那得人依舊
是

誰偷度可憐宵卻向碧桃花外按紅簫

百字令

遊理安寺贈謙谷上人

西風一路正香凝桂樹豔飄楓葉萬疊雲山圍繞處
就淺青顏色冷屬穿藤瘦筇扶竹小坐莓苔石幾聲斷
磬滿襟嵐翠如滴 恰喜支遁丹鑪遠公詩社近在靈
巖側把臂入林同一笑法雨湧開飛錫玉版禪清金荃
譜麗好證三生牒秋颿休掛有人愁賦離別

揚州慢

周澹巖邗江春泛圖用白石韻

帆角挑愁漿牙盪怨少年慙徧行程見揚州柳色換幾
度青青記曾向雷塘小泊兩三詞客說鬼論兵奈匆匆

歸去東風吹過春城 展來尺幅頓回頭引起心驚想
載酒人間吹簫路曲聊寄深情一覺夢醒何處叢祠外
徧是鴉聲待梅花開到隨君同證前生

淒涼犯

任湘浦錢江弔月圖

大江一望潮平後當空冷月孤盪角沈鼓動東西兩岸
靜排烏榜銅琶撥放頓引起年時悵惘問姮娥秋墳照
朗環珮可無恙 最苦篷窗裏淺酒誰斟豔歌誰唱曉
風幾陣便吹殘翠裙鴛漿不盡湘愁定彈入七條絃上
曲終時瑟瑟碧水送怨響

玉抱肚

周子小園落拓江湖懷才未遇用倚長調
藉慰旅情

風吹秋去雨留秋住有天涯壯士羈樓暗驚光景遲暮
聽聲聲畫角吹起了幾陣歸鴻向吳楚隔江遙望盡是
短樹重回首奈何許我更無聊相逢後填胸悲憤茫
茫一齊吐恨青梅酒冷無人煮恨青萍劍冷無人舞倦
青雲只見霜鵬依然不換鍛羽請思今古幾人得萬
里功名立銅柱但料吾輩虎頭印甚時取好假龍爭腐
鼠算何如酩酊拚一醉且領受著醉鄉風趣

徐一鶚

字雲汀閩縣人道光二十四年舉人

卜算子

春水

寒綠皺東風雨歇波猶冷一種春愁較淺深瘦減池闌

影落盡小桃花紅漲三篙緊桃葉桃根何處迎斜日
催孤艇

清平樂

湖簾

疏疏密密猶帶瀟湘色宛有微涼吹不息人倚碧紗窗
側沈沈銀蒜低垂阻他梁燕歸遲裊斷茶煙一縷禪
牀鬢影絲絲

柳梢青

蓼花

水國蕭然疏疏幾點殘照堪憐烏桕千株叢蘆一片相
映增妍扁舟曾宿江天看瑟瑟涼搖暮煙病酒衰顏
斷蓬孤影瘦到今年

金縷曲

小西湖夜泛

對月生狂喜把愁心暫教拋向水晶宮裏勝侶二三欣
宛在漫說清遊無味忽憶起四年前事記得夜闌風露
下出船頭卧看天如水前塵在舊情異 新荷貼水花
還未更休論杯深杯淺且拚同醉太息李生今不見湖
水淺於清淚算只有湖光猶是山影四圍舟一葉莫驚
他宿鷺紛飛起知此會甚時繼

譚

瑩

字玉生南海人道光二十四年舉
人官肇慶教授有辛夷花館詞

南浦

帆影

夕陽紅處映江波搖漾送征人剛是離筵酒罷生恐易

黃昏暮覺陰陰一抹落尊前瞥見倍銷魂甚隨風敲側
往來踪跡不定似浮雲誰向高樓凝望訝歸舟隱約
認難真目極湘流宛轉欲去屢逡巡最惱封姨肆虐渺
長空盼斷了無痕賸閒來細數月明人在荻花村

鳳凰臺上憶吹簫

越王臺春望

水繞珠江山連象郡英雄事業全非又韶光明媚烟景
迷離正值紅嫣紫姹曾幾日一半春歸相將向僧寮讀
畫廢苑尋詩年時烟氛驟起看一角孤城閃徧旌旗
問燎原焰熾星火誰遣今日鶯花如舊只愁鬢漸欲成
絲斜陽裏那堪鷓鴣更盡情啼

陳慶藩

字子宣江夏人道光二十四年
舉人官中書有九福硯齋詞

浣溪紗

九十韶光一半過
軟風甜雨費吟哦
最高樓上峭寒多
不捲珠簾留燕子
懶拋紅豆飼鸚哥
強扶殘夢畫雙

蛾

柳梢青

章江晚發

惜別今宵白蘋孤棹南浦迴
潮幾樹垂楊一繩新雁去
路迢迢 秋江何處停橈
盼戍角疎燈斷橋已是無眠
那堪還聽暮雨瀟瀟

浪淘沙

題洞庭歸棹圖

春水拍天流一葉扁舟煙波無際鶻聲柔還是留君還
送別飛起沙鷗桂棹且夷猶黃鶴磯頭晚風疎柳澹
於秋如此江山宜少住莫負西樓

蝶戀花

暖意絲絲寒翦翦似水紅樓樓上珠簾捲燕子未來春
尙淺柳條無力東風軟夢裏尋春春不見不信春光
更比天涯遠一夜天涯都繞徧笛聲喚起江南怨

高陽臺

送春

徑掩蒼苔窗圍翠幙惜花中酒心情短夢如煙一春記
不分明落紅爭忍匆匆別下空階宛轉無聲數郵籤芳

草天涯多少長亭 離情欲共楊花訴奈楊花踪跡先
自飄零知道難留何妨且伴雲停枝頭杜宇催歸急近
黃昏換卻啼鶯盼他時香到梅邊重見江城

王憲成

字蓉洲常熟人道光二十五年進士官汀漳龍道有桐華仙館詞

祝英臺近

洛城鐘梁苑樹中有恨無數脈脈相思不記幾朝暮盼
他安石榴開玉人歸未甚瘦損腰圍不顧 信頻誤便
算清夢分明夢醒總無據采筆書空獨自背人語早知
春恁難歸當時悔煞怎容易送將春去

二郎神

聽鷓有感和韻

玉人驚覺看殘月幽窗一半記斗酒新鶉雙柑初擘飛
絮落花零亂細雨絲絲和愁織幾日裏濃雲未散縱選
樹聲清遷喬音好聽來也嬾華睨曲傳金縷餘音忽
斷便花柳參差笙歌嘹亮料得東風不管無計留春送
春歸去屈指佳期還緩休更怪滿院啼鶉日日枝頭頻
喚

揚州慢

壬寅四月過揚州用石帚韻

水國魚鹽雄關鎖鑰過江第一官程到竹西回首山色
斷空青自梅嶺寒香吹徹珠圓錦粲人不知兵儘綠楊
紅藥年年豔發雙城冥冥雲海沸鯨波幾度心驚悵

獨客南來大江東去莫訴離情忍看平山堂下青蕪徧
絃管無聲笑浮雲遊子隱憂空逐潮生

潘遵祁

字順之長洲人道光二十五年進士官中書

湘月

功甫兄得紱庭弟寄歸內閣黃蓼花賦詞以寄依韻和之

廿年舊夢換扁舟水國搖動秋興一樣疏花忘不了載
酒斜街清景芍藥分題葫蘆覓種此意何人省蒙陰聽
雨那回負了詩境 爲問伴月黃昏江南憶否徧汀州
鷗影笑拆霜緘早又是簾捲西風人靜菰葉青來蘋花
白後小穗殘金冷鳳池秋色一枝補寫蘿徑

水調歌頭

葉君調生廷瑄榻示賀方回虎邱題壁次戈順卿丈韻

一曲鑑湖水高節已千年詩孫投老吳下巖壑姓名鐫
試訪生公臺畔想像優曇花朵風定碧漪連好事石林
齋詞采照爛斑 修禊過攜俊侶拓吟牋光陰梅子熟
也記取看山緣姓氏幾行無恙還更摩挲年號苔繡佛
幢邊初本蘭亭在難得是文全

李聯琇

字小湖臨川人道光二十五年進士官大理寺卿有好雲樓集附詞

清平樂

消夏

雞頭看剝又把鳧茈削丈八溝前無此樂恍在摩訶池
閣 紗幮凝碧如苔過帆閃白風來涼到一家人影道
書讀傍妝臺

臨江仙

題內子鏡漪帷綠圖照

池館松陰人悄悄曉涼初上簾旌水蘋煙柳萬絲縈照
妝紅避鯉窺坐綠藏鶯 夙解畫蘭兼咏絮於今怕惹
才名湖雲清遠夢菰城笄珈榮作婦筆硯小隨兄

何 棫

字蓮舫江陰人道光二十五年進士官吉安知府有悔餘庵詞

金縷曲

余與秦補茵叨共扮榆訂交逆旅出示詞稿意旨遙深同滯異鄉不能無慨

知已生平有又天涯相逢新雨吟壇抗手同憶蘭陵烟
月好留與何人消受最可惜青春去驟梅子心酸蓮子
苦問沈腰爲底量來瘦應自悔種紅豆 情天任補天
還漏漫無聊一齊付與外孫蠶曰大半空中傳恨耳羸

得年年中酒更晴徧曉風楊柳識曲聽真能有幾算人生不合風塵走君試道是耶否

虞美人

題俞君芝恬藝雲詞

春風本自無頭尾次第從花起何人彩筆勝春風染得
脂紅黛綠十分濃 休嗟飄泊還如舊好試班春手海
棠信是可人憐更有新詞似比海棠妍

何兆瀛

字青耜江甯人道光二十六年
舉人官廣東鹽運使有心齋詞

卜算子

聽雨

鏡背一燈紅燈背人無語忽有秋蟲一兩聲啼碎黃昏
雨 簾底閣瓊簾簾外風如縷吹我天涯聽雨心和夢

江南去

醉花陰

雨打梨花春事晚春恨憑誰管
揀子幾番風瘦了楊花
人比楊花嬾綠陰深處鶯啼軟
圓脆如簧轉畢竟有情癡春已闌
珊猶盼春歸緩

秋千索

新詞多是消魂語卻攙得秋聲如許
已覺涼蛩不耐聽
又添了三更雨
迷離往事拋難去問舊日鴻泥何處
燈影琴絲十載心如夢裏搏風絮

憶秦娥

簾櫳悄新涼作意秋來早秋來早夜澄如豆聽蛩人老
秋聲記得江南好夢回何處金陵道金陵道冷螢一
片荒烟蔓草

惜春令

落日樓臺楊柳風蛾眉小曾住牆東已冷琴心溫不得
花事匆匆遠隔舊簾櫳說連夕香夢惺忪瘦影亭
亭來冉冉夢醒杳無踪

露華慢

荷葉露酒

休誇竹葉訝染出湘江者種顏色定有荷珠融入葡萄
深碧麴生自倚風流卻占翠娥標格河亭畔摘取碧筒

待學鯨吸 盈盈別有仙液帶紺露香清還醉詩客尙
記翠盤三五昨夜親折只恐灑上青衫淺暈那能尋覓
蓮漉冷惟餘一尊韻絕

月下笛

獨遊江亭用玉田生韻

一抹荒烟孤亭尙在斷無人處叢蘆瑟瑟還是尋秋那
時路亭前臥柳渾相識早耐盡年年冷雨卻重來攀折
霜顛顧影獨行誰語 愁緒嗟遲暮待歸去江天再盟
鷗鷺風塵倦旅聽蟬何事酸苦苑枯容易都成夢問入
夢有人醒否賸幾點占巢鴉棲老禪門舊樹

西湖月

鸚鵡

絲鈴滯爾高飛歎，炷盡文章羽毛。誰惜日斜風瘦玉籠。
倦倚誦經無力，憐伊思飲啄也。幾度拋殘紅豆粒，怪日
日絮說相思，不管玉人私泣。故山那有歸期，但戀著
瑠窗自甘岑寂。一般春老，如何慧語，尙矜顏色。機鋒休
太露，可記得狸奴窺暗隙。好飯向海嶠，慈雲雪衣棲息。

瑣窗寒

蘆簾

屋補蘿雲襜，敲梧雨作去。成淒冷，油窗花戶挂上一痕。
秋影乍風來，輕綿細吹，恰如糝雪空庭靜。怕雙飛燕子
欲銜泥絮，誤穿珠桁。香凝蕪葭淨，憶紙閣低懸孟光
相並。纖纖卷起半臂，微寒同忍。怪霜痕都成淚痕，月波

搖處鷗夢醒算不教兒女裝衣鏡盟常記省

徐本立

字誠庵德清人道光二十六年舉人官江蘇知縣有荔園詞

昭君怨

夜泊蘇州

昨夜筠屏春滿此夜綺窗天遠有夢也難尋繫人心
籟韻樓頭鳴咽別語鄰舟淒絕一樣可憐生不堪聽

河傳

鶯語何許思綿綿愁入東風鬢邊繡幃夜長人未眠如
年晚妝寒翠鈿夢裏靡蕪芳訊杳春易老煙鳥啼清
曉莫登樓樓上愁歸舟錦帆天盡頭

玉樓春

將歸餘溪有贈

多情明月無情雨，隔斷重園空寄語。休教燈下簇眉梢，
最易春來寬臂縷。妝成撥鏡添愁緒，粉跡蘭痕銷幾
許。滿裙時候水初生，柔櫓聲中人欲去。

渡江雲

和少梅韻

番風吹已徧柔香，舊徑猶記屐痕留。醉聞鶯語滑，萬種
溫存，宛轉做嬌柔。長條欲折，乍愁蛾飛上眉頭。空望極
枇杷門巷，花外有高樓。休休，零雲斷雨，舊絮新萍，盼
相逢難。又祇暗惜，搏沙聚散，墮溷沈浮。青禽不入芙蓉
苑，更從誰低訴離愁。山枕上，何時夢續鴛鴦裯。

梅花引

朝煙膩鑪煙細畫闌十二重門閉步春叢占春濃雙螺
未合先自怨東風落紅飛墮桃花片打起鶯兒留乳燕
似多情似無情私弄秦簫吹作斷腸聲閒游歷閒尋
覓盈盈慣見眉峰碧酒闌時月斜時耳邊鶯語惟有暮
雲知淩波冉冉拋人去彈碎箜篌留不住乍銷魂乍黃
昏銀屏夢杳何處見湘君

霓裳中序第一

蒲郡學博蘇雨亭招飲署中卽席
分題得秋燕限別字

西風掃敗葉昨夜啼鳥報霜節有許怨懷罽屑嘆燕子
飛來含情嗚咽喃喃向說似惆悵芳時倉猝暗自惜銜
泥辛苦舊壘悄難別
癡絕空梁怨切謾尙戀春來花

月烏衣故國天末巢幕恩恩頓成消歇天涯歸路濶還
飛向簾前倏忽知他日傍誰門戶欲去意如結

一萼紅

滬上卽席懷都中故人

共披襟快薰風噓拂虛閣夏初臨月影斜窺酒香橫溢
侵簾花氣惜惜遲座上驚鴻體態留客醉渾忘漏聲沈
急管危絃古香今月懷舊偏深 苦憶天涯儔侶總機
遲鴛錦信閣鴻音白墮尊前秦宮花底墜歡空費追尋
問別後豐臺俊賞付奚囊多少短長吟只願細疏花事
慰我愁心

齊天樂

醉蟹

一星星火蘆花岸
爬沙乍聞微響覆
斷霜濃盈筐露潤
行跡橫斜三兩寒
潮漸長正眼角窺
燈沫痕縈網釣嶼
腥風夜來猶記度
蘭漿糟邱風味謾
想怪無腸可轉
虛費佳釀塊壘消
無雌黃在許空憶
含芒吹浪盤餐競
賞笑入甕區區頓
成惆悵快約持螯
鞠哇秋正爽

秦細業

字淡如無錫人道光二十六年副貢生官浙江候補道有微雲齋詞

齊天樂

吳仲英司馬以馬辛璵女史梅花水仙畫扇索題憶咸豐初女史爲余寫菊花便面會填一詞忽忽廿餘年俱經亂失去今復覩此烏能無感爰題是解以誌墨緣

白門柳色青溪月
都非昔時風景
仙下羅浮神游洛浦
自繪前身春影
調脂弄粉恐舊院
繁華不堪重問分付

金鈴休教花被笛吹盡
牽蘿補茅乏計傷心惟賣畫
辛苦誰省翠袖添寒紅顏易老何況飄蕭潘鬢今宵酒
醒歎故扇無存劫餘灰冷倩寫秋容又看重九近

惜餘春慢

上已後五日江小雲觀察招集湖舫和
其上已日修禊之作

纔過流盃未逢淘井柳已陰濃若此千重錦錦一片蒸
霞春在江郎筆底喚得烟波畫船汜向蘆葦鷺鷥驚起
艤艫客遠碧桃無主小闌孤倚壬日遊彭
氏退省庵難得是烽
火全銷湖山無恙花下那辭同醉尊前白髮鏡裏朱顏
休管年華如水來弔西冷古坵南北高峰猶疑橫黛看
斜陽塔頂借問酒人歸未

摸魚兒

作客西泠歲又秋矣歸計未成偶憶鄧石
臞有初夏見懷之作輒用其韻和之

問何因周南留滯秋光又看如許故鄉也有湖山美負
了舊盟鷗鷺勞寄語道紅豆吟成怎抵相思苦春期易
誤正柘館眠蠶杏梁待燕只是不歸去君休管君亦
年年羈旅幾時雲海能渡石臞有孤
篷雲海圖涼篷又泛秦淮月
好把霓裳重譜余獨處恨潮去潮來不送歸人艣從今
記取等菊徑花黃楓江葉赤共話夜窗雨

國朝詞綜補卷四十六

國朝詞綜補卷四十七

無錫丁紹儀杏舫

輯

李孟羣

一首

袁績懋

三首

沈鏗

一首

張修府

二首
補詞

陳元鼎

十六首
補詞

楊傳第

一首
補詞

孫廷璋

七首

徐宗襄

五首
補詞

錢國珍

七首

陳慶溥

九首

潘慎生

一首

曾協均

一首

李世基

一首

陸獻

一首

陳希濂

一首

潘觀保

一首

陳繼勳 一首

李孟羣

字鶴人光州人道光二十七年進士官安徽布政司咸豐九年勦賊廬州殉難諡武愍

浣溪紗

軍次秋懷

悵蕭蕭鬢有絲功名三十未爲遲怕人羨說少年時

金闕曉鐘虛舊夢玉關鐵板唱新詞箇中情況有誰

知

袁績懋

字厚庵陽湖人宛平籍道光二十七年進士官延建邵道咸豐八年督兵順昌城陷殉難

一叢花

秋聲萬里度長空落葉捲西風愁心重疊渾無際都付與天末征鴻菊老楓丹故園何處搔首月明中 重幃

迢遞隔遼東雙鯉信難通一枝修竹頻番倚早不道染
袂霜濃拔劍歌哀檢書燭短無語聽疏鐘

古陽關

曉雨和象如內弟

纔送春光去又灑黃梅雨滿庭竹影淒清甚憑誰語撫
瑤琴一曲幽恨終難訴看鳥盡博山殘篆嬾重炷 蕊
舊煙中吐空媚嫵最難堪是聽蛙鼓喧無數又瀟瀟幾
陣溼徧灣頭樹鎮無聊一襟清淚共酸楚

翠樓吟

與內子芙江話舊感而有作

煙鎖離魂雲沈斷夢愁城不計昏曉紅羊成小劫何處
是璇宮瑤島西風吹早又鶴嘯猿啼接天荒草心如擣

回頭陳跡雪泥鴻爪 我欲料理輕舟向吳頭楚尾冷
吟閑弔白蘋紅蓼岸問飢雁稻梁多少江寒秋老恐柯
笛焦桐難尋同調金樽倒人生能幾且尋歡笑

沈

鎰

字笠湖江蘇通州人道光二
十七年進士官山東同知

金縷曲

寄孫崧甫

一自君歸後儘鎮日板扉雙扇靜無人叩也識歡筵容
易散別緒怎生禁受君去矣君還憶否細雨曲闌香一
樹是離亭舊日依依柳年時事忍回首 天涯渺矣雷
陳友曾共向燕臺走馬旗亭呼酒燭炮更闌狂笑處雲
夢胸吞八九又風雨重陽時候側足長安居不易只夢

魂遠逐輪蹄走無限恨向誰剖

張修府

字東墅嘉定人道光二十七年進士官永定知府有瑯環室詞

湘月

題袁竹畦遊吳詞草

俊遊勝地認溫山軟水如許風景十里橫塘想幾度畫
壁旗亭豪興戟院清樽衙齋吟榻不怕簫聲冷秋光收
拾一編豔鬪菱鏡惆悵照眼烽煙天涯十載釀西風
愁陣舊夢屯田算我亦題編蘇臺佳勝羞檢奚囊空緘
淚怕盼斷瑤瑤信碧雲何處爲君影事重省

疏影

酬王叔彝

紅嬌翠婉乍一池水嫩春痕難遣煙暖蘇臺月冷蘓堤

蠻牋幾度吟徧年來消受鶯花福問可許浮名輕換莫
等閑聽到琵琶便把淚痕偷泣 觸我三生影事石城
夜漏永催按檀板玉樣丰姿水樣年華惆悵箇人天遠
東風替我栽紅豆算總被夢塵吹散待共君證取情禪
又惱畫梁雙燕

陳元鼎

字實庵錢塘人道光二十七年
進士官編修有鴛鴦宜福館詞

酒泉子

燕約鶯期一樣惜春情緒柳初煙花未雨日遲遲 繡
幃睡起鬢雲重淚淹山枕鳳隔年書前夜夢費尋思

踏莎行

睡鴨煙霏翔鴛月擁碧燕庭院新寒重一雙魚鑰鎖春
深夕陽紅在闌干空悶裏杯銜閑中笛弄銷魂時節
無人共冷香吹淚落池塘東風不醒楊花夢

謁金門

風乍定吹瘦一窗花影錦帳香溫春睡靜燕歸人未醒
簾外夕陽紅賸簾內嫩寒猶凝昨夜雨聲誰共聽小
樓銀燭冷

憶少年

無風簾幙無塵階砌無人庭院斜陽更無語但樓頭紅
短淺色羅屏生綠展舊題詩蠹痕零亂江城夜橫笛

又梅花吹滿

蝶戀花

花裏啼鶯催不住春
共人來人又先春去
羅幌四垂香半炷
夜深昨夜樓深處
漏閣籤聲津堠鼓
兩樣黃昏一樣無情緒
今日輕陰明日雨
柳絲綠斷銷魂路

浣溪紗

紅退闌干廿四橋
舊時明月舊時簫
舊遊人到總魂銷
歡緒可憐濃似酒
歸期卻待信於潮
一江煙浪夢迢迢

南樓令

楊柳古灣頭，絲絲踈地柔。舊東風吹起，新愁訴盡相思。
春不問鶯與燕，枉綢繆。花事捲簾休。秦箏帶恨搗數
芳期何苦淹留，漫道華年流水似誰得似水長流。

月下笛

夜涼入寂，坐月忘眠，欲愁言愁，不自覺其聲之淒也。

曲檻留香虛簾漏，月箭壺催短。西風尙緩，便輕捐素紈。
扇銀河遙隔，盈盈水總未抵紅闌。夢遠悵冰綃細，檢殘
脂賸粉蠹花零亂。誰伴鴛鴦館。定擁髻眠遲，玉釵敲
斷羅衣淚滿。舊痕新點，相半華燈私語銷魂地。漫訴與
銀笙細管，問闌夜欲如何。金井桐陰自轉。

長亭怨慢

飢鳥

聽簷外啞啞聲急啼斷空腸可憐頭白冷落叢祠估櫓
不見賽神客陣雲翻墨剛寫出淒涼色卻羨畫籠禽趁
飽後梳翎閑立縮瑟嘆僧厨偷眼也似飯鐘人寂喧
爭未了看雞鶩共尋微粒第一是反哺無由最難忘去
攜雛當日盼巷口斜陽尙有炊煙橫碧

徵招

辛亥京邸除夕

年年第一銷魂夜天涯最難禁受孤影對孤燈漸聲沈
街漏椒盤將進酒是笑語團圓時候鏡鳳慵窺釵蟲偷
卜有人啼瘦回首故園春銀屏底悔不鎮長厮守檢
點綺羅香總匆匆辜負相思偏耐久怕明歲淒涼依舊

待分付夢裏還家問畫樓知否

翠樓吟

夜飲鏡鬢閣芳情正濃離緒俄促醉不成
歡慘將別我懷如何

引幔攔風懸燈替月芳樓麗景如晝沈沈連夜雨正涼
意紗幘初透歡新緣舊趁款夢金尊迎香羅袖銷魂又
翠溫紅軟未容輕負 杯酒催上蘭橈便淺斟深勸不
多時候瓊簫都倦倚况明日孤篷殘漏相思今後但淚
點飛花愁縈絲柳分攜驟晚來空捲一簾秋瘦

高陽臺

春感

密雨滋苔疎煙冒柳餘寒尙滯簾鉤賦別文通江城誰
伴芳游金尊試買花前醉是春歡卻是春愁暫綢繆脆

管清絲替訴從頭 雕鞍繡幃紅橋路正燈邊酒暖香
裏歌柔爲有銀屏題詩嬾上高樓麝雲雙枕尋常夢到
重來夢也難留喚歸舟快趁東風漫逐東流

瑣窗寒

燭淚

更不成珠偏同濺血一枝紅泣臨風慣灑禁得宵深寒
淺照華堂歡筵正張暗中偷墮無人見自蘭闥送別銀
屏孤倚替誰淒斷 零亂冰荷畔任點點斑斑唾壺痕
滿葱纖漫拭漬上羅襟難浣到天明盈盈未乾寸心漸
結還漸短問玉階幾處成堆易逐豪華換

綺羅香

小有天園尋南宋宮人葬處

鏡碧埋鸞衫紅化蝶巫夢長拋荃土燕誅鵑銘殘碣都
無尋處流恨字溝葉隨波染啼痕野花飛雨聽鐘聲一
杵南屏恍疑催起景陽曙 招魂惟有夜月空照殘山
賸水佩環誰主小隊羶車猶勝琵琶胡語憐馬嵬錦襪
難留歎螢苑玉鉤同苦望六陵凋盡冬青草深燐暗舞

齊天樂

懷黃韻珊

鳳城南畔垂垂柳君行未曾親折鶴怨天高蟲驚歲晚
又是悲秋時節芳華易歇歎如此江山那禁離別料得
樓頭一枝橫竹定吹裂 緇塵衣上漸滿自君之出矣
愁共誰說故國波濤中原礮火歸計今生難決明朝散

髮便覓箇扁舟笠煙蓑雪夢入蒼茫醒來空對月

聲聲慢

平山堂

零蕪淚點斷柳秋絲繁華閱過南朝夢影斜陽羅綺暗
逐煙飄風流醉翁去久好樓臺休再憑高况近日更垂
燈舫寂喚酒簾遙空對隔江山色問浮眉檻外還爲
誰描幾處林亭一樣粉牘金銷明蟾二分似昔但淒涼
孤照紅橋試聽取聽吹來不是玉

去聲簫

楊傳第

字聽臚陽湖人道光二十九年舉人官知縣

齊天樂

秣陵往事成惆悵嬋娟月明千里曾照人來不教人去

一味怨他江水去時容易怎消息參差誤人如此捫徧
闌干晚來認取指痕細 舊歡竟如夢裏餘香凝彩筆
休問蛾翠車走雷聲衣黏花影髻靈儻徒倚蘆花風
起趁月地飛迴舊家燕子幾度思量去來拚不是

孫廷璋

字蓮士會稽人道光二十九年舉人有玉井詞

虞美人

梨花簾子桐花鶯蝶也和人瘦早秋已自沒安排要到
菊花時節怎生捱 心情漸覺難勝酒醒過鴉啼後一
般淒絕獨眠時卻恐客衾冷透少人知

點絳脣

吹盡春寒翠簾旌外東風悄海棠開了可惜無人到
乍霽還陰畫出閑愁稿歸鴻杳慳慳昏曉人逐流鶯老

臨江山

多少心情無一可玉籤又打黃昏隔簾花影淡於塵短
箋和淚寫孤被賴香溫 一院西風欺病骨夜長靜掩
重門昨宵疎雨道難聞如何今夜月一樣也銷魂

蝶戀花

一樹細桃花似雪花裏瓊簫花外黃金勒禁架東風寒
不得柳絲買定紅橋側 簾影疎疎衫影窄燕子飛來
叵耐晶簾隔斜日催人真也忒晚波借去春衫色

二郎神 長安秋思

湘簾蕭瑟渾不似年時情事記
碾盤湔梨玉篝煨栗笑
語曲屏花底蘭夜慳慳調箏好道難得已涼天氣甚蛩
月叫寒雁霜衝曉管他憔悴容易換來今日淒涼滋
味恨襟暈酒微怕痕香歇越是悶沈沈地西北風尖房
櫺曛短寒到玉鶯衾被凝想處也合舊闌干畔有人愁
倚

摸魚兒 申江有贈

碧愔愔瓊樓十二菱花開向秋曉
畫鸞不管人腸斷只
倚錦屏欲笑寒尙峭甚淺淡雙蛾慵把
愁痕掃晶簾捲

了看立近雕闌銀鸚架底一色雪衣縞 飄零怨舊是
平陽嬌小而今那忍重道茫茫風絮輪中劫我更比卿
潦倒隨分好君不見西風滿地紅心草朱顏易老須莫
誤尊前水般年紀月樣好風調

金縷曲

綠徧蘓臺柳最堪憐生來嬌小腰肢還瘦繫著誰家青
雀舫一任東風消受怎獨自春山感皺多少鶯花多少
恨怕銷魂已是銷魂殼調錦瑟掩紅袖 春江花月還
如舊憶當初桃根桃葉尋春渡口總許留春春亦老何
況春歸已久只可惜幾番辜負海樣愁深深幾許替消

愁消盡金尊酒扶夢起玉釵溜

徐宗襄

字慕雲宜興人道光二十九年舉人官內閣中書有絮月詞

虞美人

客中見新月

碧天如水星光皎怕說眠宜早眉痕怪底月能描也逐
征塵迢遞伴春宵銀鈎小挂團圓影隱約藏離恨倚
闌誰與話天涯自掩羅帷低語祝燈花

長亭怨

秋堠

看無限西風梳柳遠火爭明短長亭堠故壘新烟可憐
址馬正肥候隔江旌影搖落日紅迷岫甚日息狼烽但
報道青山都瘦 憊憊聽哀鴻幾陣飛繞戍樓前後錦

城夜永猶沸耳笙歌依舊渾未省萬戶砧聲與寒柝聲
聲低湊只水驛燈昏儘許驚魂厮守

水龍吟 秋角

夜深如訴軍心者回催得霜天曉無端勾起烏啼落月
馬嘶衰草出塞吹寒連營警夢一聲聲悄儘攬來感粟
和他刁斗渾未協宮商調 不怨將公易老怨空城幾
多殘照譙門漏斷三更暗語十年愁抱畫不分明清難
宛轉西風漸杳正銷魂莫被癡龍聽得霎時驚覺

暗香

袁浦遇都中舊伶

似曾相識問歸來燕子飄零誰惜舞罷羽衣猶憶宮商

李暮箇朝雨輕塵浥徧看襟上啼痕難覓但回首綺夢
如烟香冷已無跡 京國麗春色儘妒豔逞妍總易消
歇翠華望極自謫蓬萊路敲側多少嫣紅姹紫任收入
東皇仙籍待訴與離別恨甚人解得

齊天樂

舟過邵伯埭見六合難民爭渡

片帆聽挂斜陽裏西風又吹黃葉夾岍鴻哀綠江鶴唳
天末暗愁如織雲垂水立悵六載孤城一朝援絕毅魄
難招夜潮猶自替嗚咽而今賀蘭已去留將殘局在
誰與收拾烏鵲驚飛魚龍怒吼悵望暮烟明滅中流擊
楫記紅藥欄邊綠楊時節甚日重過聽吹簫似昔

錢國珍

字子奇江都人道光二十九年舉人官安吉知縣有寄廬詞

柳梢青

柳煙

淡不能描趁風吹起綠影斜飄似斷猶連乍明還暝鎖住
眉梢 記曾春雨連朝早縮住輕陰不消羃歷如絲迷
離如夢說也無聊

鷓鴣天

望斷天涯客夢遙春寒爭奈可憐宵紅闌何日調銀瑟畫
閣誰家度玉簫 風習習雨瀟瀟年來辜負幾花朝東
風怕惹離人感不放春光上柳條

長亭怨慢

秋柳

又吹盡灞陵風雨一捻纖腰能禁秋否消瘦誰憐淡煙
冷落竟如許不堪攀折空望斷離亭路憶昔日風流記
送客曾經此處春去恁無端別恨催老鬢絲千縷儘
伊冷眼偏留得秋波斜注問何人夢到章臺已非復舊
時門戶算只有霜華不減東風飛絮

又落紅如雨濃綠成陰客思無聊聯拈此解

問何事東君歸早拾翠吟紅都成草草香霧空迷沈陰
膩鎖客愁悄暖寒自慰消受得春多少待欲展情懷又
一霎花風數了堪惱賸飄零絮影盡逐落花飛繞不
如歸去又驚聽枝頭啼鳥颺游絲難繫芳魂只半晌梨

雲夢曉且珍惜光陰莫使鏡中人老

祝英臺近

楊花撲檻榆莢鋪茵春事將闌未成歸計率賦此詞以寄旅懷

燕初來春欲去好景惜遲暮辜負花朝日日惱風雨綠
楊到處成陰絮飛無定總莫挽情絲千縷空凝注不
知草長江南春光又何許鳩喚鶯啼似訴別離苦那回
曾訂歸期歸期偏悞卻又是爲誰留住

眞珠簾

簾波和韻

晝長慵把銀鈎上度微風蹴起鞞紋輕漾人影隔盈盈
恨畫屏如障濃綠參差流不定趁一縷茶煙輕颺凝望
認路迴銀河難通仙舫恰宜似水空庭正疎雨廉纖

又添新漲半幅捲湘雲
賸碧痕搖蕩細縠鄰鄰輕踈地
只恐悞燕兒來往惆悵任一角水蟾悄窺珠幌

南浦 儀秋

霜信雁聲催惜黃花九十秋期將了落葉莽蕭蕭閒庭
宇一夜西風如掃流光虛擲蘆花頭白芙蓉老客燕同
歸留不得漫把金尊空倒 依依遙望長亭怕秋來況
又時逢秋杪衰柳不勝攀孤村路空戀夕陽芳草天涯
渺渺江湖歲晚驚心早最是秋娘離恨切淒聽寒蛩聲
悄

陳慶溥

字心泉江夏人道光二十一年
舉人官江蘇同知有離聲詞

眼兒媚

叢蘆深處老漁鄉秋色滿征航黃昏時候蛩聲悲切雁影微茫小舟孤枕聽秋雨爭得不淒涼西風又把一襟離恨吹上垂楊

長亭怨慢

買舟待發爲風雨所阻

問何事遲遲如許遲到而今匆匆纔去去也仍留縱然留得甚情緒關河秋老又故把征程阻檢點客中裝只賸得一襟塵土淒楚對離樽欵淚門外西風吹雨醉邊殘夢定落向荒洲古渡看滿眼敗柳衰蒲是今夜扁舟泊處漫素被青燈獨聽哀鴻愁語

臺城路 秋螢

夕陽門巷闌干曲珊珊一星涼影漢苑輝遙隔宮焰短
銷得千年遺恨秋心自省算耐盡淒清並無聲韻昨夜
西風換將衰草夢都醒 何人傍簾小坐繡裙低拂處
來去無定露點荒苔霜欺敗柳幾度送昏催暝頽垣廢
井只飛燐熒熒共依爲命閃入羅幃伴伊涼夜永

又 枯柳

眼中多少飄零苦無情也成憔悴不肯藏鴉由他繫馬
那有婆娑生意繁華去矣怕經歷紅羊自家枯死一角
紅樓夕陽無語對秋水 河梁記曾送別幾番攀折後

衰謝容易絮影全空長條已盡莫問楊枝年紀淒涼燕
子似相對呢喃樹猶如此昔日青青可憐殘夢裏

百字令

九日過臨清關

年年此日把茱萸醉看幾番淒惻菰菜萸空負了老
作天涯閒客傍水蘆肥經霜菊瘦眼底皆秋色山川依
舊更無鷗鷺相識孤艇夜宿低叢西風打枕夢破愁
腸織一騎紅塵馳羽檄莫問邊關消息暮雨津亭夕陽
浦淑滿地飄紅葉城頭畫角可憐吹墮涼月

琵琶仙

望家書不至

歸夢無憑況無夢倍覺思歸情切簷鐸敲碎秋心秋心

共愁結霜漸老西風漸緊早凍損柳條千折
貫酒澆愁呼燈聽雨歡夢難說恨江上多少征鴻
但人字排來斷還接重展舊緘重看更重重封摺
嗟客裏年華如水又暮秋換了時節但見簾外黃
花半偎涼月

高陽臺

重過初秋室

斷夢成塵離愁似海飛花已去天涯曠有空簾
誤他燕子重來殘脂賸粉都狼藉併啼痕溼徧苔
階傍閉門一樹垂楊葉落成堆詞人琴劍飄零久
歎生平奇遇紅拂憐才淚灑青衫而今更倩誰指
此身化作蜻蜓翅要尋他飛上鈿釵算尊前縱有
簫聲不是秦臺

春雲怨

春闈被放歸思頓生

啼鶯作惡把夢痕驚破再難尋着久住此間何事幾度
欲歸還又錯憎煞春光拋人先去不管東風負前約千
里家山江城雲樹我欲控黃鶴分飛柳絮沾簾箔算
和儂一樣依然飄泊涼月半彎瘦如削不照深闥只照
天涯似憐離索明日長亭有誰相送待折一枝芍藥

西子妝

春陰

空翠迷山輕煙度水春意圍成春恨樓臺處處不分明
萬千重亂雲遮盡黃昏未近總不放殘陽一寸錦軒來
碾麴塵如霧綠波紅暈遲花信幾樹梨花約略猶堪

認遊絲欲傍軟紅飛又迷離被風吹隕鑪香漸燼綺窗
裏秦箏衣潤乍開簾一片閑愁暗引

潘愼生

字子愼懷甯人道光二十九年舉人有綠笙囊詞

望湘人

江秋珊以願爲明鏡室詞見示爲題是解

把微雲一抹明月二分和愁收入筆底指招檀紅心銷
篆紫忍負華年流水一縷花魂一絲春夢纏綿無已漫
斷腸輕折湘絃彈到落紅風裏惆悵笙囊拋棄悔新
盟未踐舊愁勾起望明鏡團圓曾向瑤奩並倚卻驚青
鬢黏霜容易影事零星猶記倘有願面許嬌分認取雙

蛾纖細

曾協均

字笙巢南豐人
道光間舉人

金縷曲

題張春槎詞稿

雅。真。儕。冰。雪。想。君。家。烟。波。畫。裏。高。風。遙。接。柳。颯。蘓。豪。融。
冶。盡。淡。到。寒。花。瘦。蝶。應。不。管。瓊。枝。吹。裂。料。得。匡。君。新。索。
句。愛。湖。山。綠。沁。鬚。眉。澈。心。折。處。瓣。香。熱。頻。年。譜。恨。還。
傷。別。更。何。堪。銀。箏。擗。冷。玉。壺。敲。缺。展。卷。易。增。耆。舊。感。多。
半。烟。沈。雲。滅。只。眼。底。繁。華。銷。歇。楓。葉。荻。花。江。上。路。悵。無。
人。水。面。琵琶。撥。誰。與。共。醉。明。月。

李世基

字肇卿新建人
道光舉人官同知

陌上花

夜雨懷友用張蛻巖韻

何曾幾日清明還，又雨傾天晚。酒冷燈昏寒透，做廬孤館。羣芳定怨封姨惡，一夜香魂斷。憶從前迭與買春，良友手搏沙散。靜垂簾，把花風細數九十韶光過半。未必明朝水長鳴兒知暖，有人遠隔天涯外，難得寄書魚雁料。今番也恨芳辰虛度，一般心嬾。

陸

獻字彥若丹徒人
道光間舉人

憶舊游

題琴鴈太守耶溪漁隱詞

記若耶溪住飽看溪光千斛瓊瑤別後相思久復一蓑一笠夢繞吳船八月鱸魚堪膾九月剝雙螯叉手種芙蓉輕紅片片寒翠條條亭皋艤舟處任雨細風斜不

起波濤乘興歸來晚有輞川詩畫水淨山遙自是釣鰲
倦也鷗鷺數相遭更何處尋君君應爲我傾濁醪

陳希濂

字穀水錢塘人
道光間舉人

慶春宮

乞琴隴畫澌水草堂圖

茶石明霞香谿流翠此中結隱堪娛思養堂空讀書齋
圯百年興廢何如肯忘前蹟每追憶先人做廬嘉蔬春
翦新稻秋登農圃招呼 浮生總爲飢驅鞍背船頭歷
落長途一領荷衣一雙芒屨料來難息勞軀故園翹首
託毫素神樓寫圖著間茅屋添幅蘆簾算我歸歟

潘觀保

字辛芝吳縣人道光間舉
人官中書有鵲泉山館詞

浪淘沙

遭亂轉徙讀念怡近詞次韻奉和

倚枕數殘更去雁程程自憐病骨強支撐
滾滾秋潮空瀉恨恨逐潮生
夜靜玉繩橫缺月徐行怎生無夢到
長亭幾度燈前溫舊夢也零星

又 偶檢行囊有感

秋色太蕭疏小病纔蘇東阡南陌漫攜鋤
亂後一身無長物典到琴書
底用識三無翻悔當初不如生長在
江湖搦箇漁竿隨意釣長伴雲孤

陳繼勳

字鷗樵萍鄉人道光舉人

祝英臺近

前借余芝田大令遊橫龍寺越巖寫山寺尋泉圖賦詞見寄次韻奉酬

鏤吟情鐫別怨欲寄奈無路尺幅披來重憶舊遊處禪
關景物依稀前塵若夢和雲影被風吹去 伴眉宇啼
鵲似怕君行聲聲苦如許觸起新愁縈繞畫中樹休論
泉濁泉清詞仙曾到賸苔上屐痕留取